

MARKING SCHEME
SUBJECT: MIZO (198)
CLASS: XII
SESSION: 2023 – 2024

1. i) B An la tlem
ii) A Vai tiin a ziak
iii) D Company tih atanga lak a ni
iv) C Bawrhsap tiin kan sawi thin
v) C Burmese atanga kan lak a ni
2. i) A Mahni fate ngaihsak lo
ii) D A tlaran zawnga rorel tihna a ni
iii) B Tlangval, nupui la nei lo sawina a ni
iv) C Fa tihna a ni
v) A Fate hian mahni hringtute an chhun zel thin tihna a ni
3. i) B Mumang sawina a ni
ii) D Damhauha
iii) B Vairam hmun ril tak lam sawina a ni
iv) C Phengphe Nunnem tih hla a ni
v) A Mi huaisen leh tlawmngait
4. i) D Mizo hnahtlak hnam zawng zawngte
ii) C Chawimawi an phut ngai lo
iii) B A nungchang that leh a la deh thiam sawi a ni zawk
iv) A Khaw liana r khuang ang mai a ni
v) C Mahni a inkaphlum

5. Thupui : India ram ropui zia

6. Glyn Evans leh Martin Lutherate thusawi ropui takte avang leh khawvel mimir hrim hrim pawhin kan tawn leh hriat angin, rimawiin khawvel mihringte min thunun nasat dan leh kan ngaihven zia hi sawi thiam rual a ni lo.

Thinlung sak ber pawh tinema, Lal leh chhiahhlawhte pawh angkhat veka thununa tilungawi thei chu rimawi tha hia ni reng a ni. A hmangthiamte tan phei chuan hlawhtlinpui theih leh khawsak nawmna thlen thei khawp a ni a. Rimawi tha hmang hian buaina tam tak a chinfel theih a, lungngai taka awmte leh hlim taka awmte pawh a thleng zo vek a, hnawl theih a ni lo. Hringnunah hahchawlhna thlahlel leh mamawhte pawhin rimawi atang hian bul an tan for eng a ni. Pathian fakna leh chawimawina chungchangah pawh fakna leh rimawi hian hmun leh hun pawimawh a chang reng a, a tel lovin a awm theih loh emaw tih tur a ni. Rimawi tangkaina leh a hnathawh hrethiamte chuan a hun leh hmun thliarin an nun nawm nan an hmang reng a, taksa leh rilru bakah thlarau nun kaihruai thei khawpin a hlutzia an pawh thin a ni.

7. Mi ropuite chu an inggaitlawm thin a, midang an ngaichang thiam thin. Mi ingaitlawmte chu an rintlak fo a, mahni hma an sial ngai lo

8. Mizotawngah hian thu hma bet leh thu hnung bet a awm a, an pawimawh em em a ni. Thu hmabet chu prefix an ti a, amah mai chuan awmzia a nei thei lo.

Entirna : Amah chu ka thian fel tak a ni.

Suffix chu thu hnung bet hi a ni a, hei pawh hi amah mai chuan awmzia a nei lo fo. Thumal dang a kawp a ngai thin. Mizo tawngah hian hmanna a tam em em a, a tifiaktu tangkai tak a ni.

Entirna : Tangkaina kawng khat tal kan nei ngei tur a ni.

9. i) Ho
ii) Zia

10. Mizote hian kan tawng leh thuziakah thumal lam nawn kan nei thin a, hei hian mizo tawng hmangtute tan a tifiakin a tihlu em em a ni. Mizo tawngah hian double adverb hman lar deuh deuh an awm a, heng; em em, ngei ngei, mai mai tih leh a dang tam tak a awm. Heng double adverb te hi chhinchhiah an awlin kan thusawi tifiaktu ber an ni.

Entirna : Pangpar chu a mawi **em em** a ni

11. i) Kurh
ii) Hlur

12. i) Khua a thim har han ti ila, zan hunchhung a rei leh tho si
ii) Tlang leh lui hrang hrangte hi mi huaisente vahvelna sulhnu an ni
iii) Zan hunt him a liam dawn a, khawvar duhawm a lo hnai e
iv) Nilengin thil thlum tui hrang hrang a dawt a, zana riah maina tur a tlachham bawk si lo
v) Ka la thi ve dawn si a, hlim a har mang e

13. “ Laikhum zala ka dawn pawhin
A mak e hril sawi har ka ti
Tawnmangah tal Pheichhampa nen
Kan lo intawng tak kha em ni..”

He hla thu hi Vankhama hla, Laikhum zala ka dawn pawhin tih, chang khatna atanga lak a ni a, nula leh tlangval inkara induhna hla mawi leh ngaihnawm tak a ni.

Nula leh tlangval inkara induhtawna thianghlim tak chanchin hi a ngaihnawm a, damlai nun tinuamtu a ni. He hlaah pawh hian an induhna thianghlim zia a hmuh theih a, chi leh kuang inan vang pawh ni lo, nu leh pate pawh inchhung hnai lem lo, inlaichinna hnai nei bawk si lo, Patian remruatna vang liau liau a intawng an nih zia tarlna a ni a, chu an induhtawna chu hlu a ti hle a ni. A hlutzia a teh thiam loh avangin mumang ni hialin a hria a ni. A dinhmun chu swi fiah thiam har a ti hle reng a, chu nulain a lam hawia awmze nei taka a rawn melh phei chuan a khawvel chu a thar surin a hre hial a ni.

He hla chang tarlanah hian, tlangval chuan muthmuna a han ngaihtuah chian chuan a mak a ti a, a mumang lamah pheichham hnenah duhthusam lo thlenin chu nula chu a lo lang ta mai

nge tithe a ngaihtuah a, chu nulain duhlai tia a han ko phei chu engtia thleng thei nge maw ni tiin a ngaihtuah hial a ni.

14. Hmanlai mizo khawtlang nunah val upate dinhmun hi dinhmun pawimawh tak a ni. Mi taima, zam tha leh mite harsatna hriatpuia tanpuitu a ni. Lal kut leh ke, mite thlamuantu ber an ni. Chuti chung chuan mite fak hlawh tur zawngin engmah an ti ngai lova, midangte hriat lovin midangte tan an hun leh tha an hmang thin.

Tlangvalte thununtu ber an nih avangin tlangvalte pawh val upa hmaah chuan nun mawi takin an awm thin. Chhungkaw inenkawl dan hmangah pawh entawntlak an ni fo a, hausak leh thusawi thiam avang ringawta nih ve theih erawh a ni hauh lo. Khaw chungah chawimawi phu ber an nii chungin chawimawina erawh chu an hel tang tang thung thin, tlangvalte chauh ni lovin nu leh pate pawhin val upa mitmei an veng reng a, khawtlang innghahna ber pakhat an ni.

15. Zinkawng rapthlak zawhtu mitdelte dinhmun hi an khawngaihthlak hle mai. An damchung nite chu hrehawm takin an hmang tluan a. Khawvel ropuina leh mawinate chu an tan awmzia a awm ve lo. Mihringa hriatna pawimawh tak hmuh theihna an neih ve loh avangin thildang hrehawmna zawng pawh an hmachhawn nghal a ni.

Chutih rual chuan Pathian venhimna leh enkawl na an dawng nasa hle mai a, a thente chuan an beng atanga thil ri an hriat theihnate chu a chak em em a ni. An kuta an khawihte pawh thliar hran theihna ropui tak an nei a, thenkhatte phei chu mitmeng panggaite aiin an thluak achak zawkin thil chhut chhuah chak lamah pawh an chhuanawm hle a ni. Mi ke pen leh aw atang ringawt pawhin mi chi hrang hrang an hre thei a, ar lawi thei khawpin an kuta an hriatna chu a chak thin bawk. An suangtuahnate phei chu a chak em em a, meng panggaite suangtuah phak loh an hmu thei bik thin. Hla ropui tak takte phuahin ngaihtuahna thui tak an hmang thiam a, a thente phei chuan thiamhnang tah leh kutthemthiamna chi hrang hrang an nei a, an chanchin hi a ngaihnaawm thei em em a ni.

16. Thiamna leh a hlutna ziaktu B.Lalthangliana hian a thu ziaakah hian ngaihpawimawh tam tak a nei a, chung zingah chuan, mithiamte neih bik thin inrintawkna neih hi a ni. Thiamna neite chuan mi zingah eng thil pawh ti dawn se an zuam hma bika hei hi thil pawimawh tak a ni.

Zirna kawngah nu leh paten an fate mamawh an pek ringawt hi tawk lo a ti hle a, an zirlai ngaihsakpui leh an lehkha chhiar uluk taka vilte hi thil pawimawh tak niin a ngai. Sakhuana chungchangah pawh kan inkaihhruai dan leh kan tih thin dan tam tak chu siamrem ngai niin a hria a, a bikin nute hian in lamah hun hmang tam se, fate leng tur, haw tur lo chiau au ringawt pawh thil pawimawh tak niin a sawi.

Chhungkaw enkawl dan chungchangah pawh fate hmalam hun tumahin kan hre lo chungin, kawng engkimah thawhrimna nena eng pawh kan tih thin chuan hlawhtlinna a awm a ni tih hria a, fate pawh zirtir thin turin min duh a ni. Lehkha zir pawhin a zir chhan chiang taka a hriat a, tum mumal nei tura rilru fim hmang turin zirlaite pawh a duh a ni.

17. Mizo hnam bik an awm lova, mizo hnaathlak hnam zawng zawng erawh Mizo tih an ni si. Hmar a ni emaw, Ralte a ni emaw, Paite a ni emaw, Pawi a ni emaw, Lakher a ni emaw pawh

ni sela, ram hrang leh hmun hrangah chengin, khawvel ramri siam chawpten min daidang mah sela, Zo hnahthlak hrang hrangte chu Mizo tih a ni. Tawng hran leh chin dan hrang deuh pawh lo ching sela, Mizo tih hian min khaikhawm a, pangpar huan mawi tak ang a ni.

18. Kan zirlaiin mi huaisen a tih chu tharuma huaisen ringawt ni lo, thildanga huaisenna pawh a kawka, tawrhchhelna ringwt pawh huaisenna a nil ova, chhia leh tha hriatna atanga hrehawm leh hlauhawm hriat chian zeta twrhchhelna hi huaisenna dik pawh a ni zawk ngei ang.

Hriatna neite hi huaisenna neitute an ni fo a, a hlauhawm zia hre chiang lova thil tih hi huaisenna a ni lo fo. Mi rinawmte hi mi huaisen tih ngei tur an ni a, help tam duh vanga rinawmna pawh phatsantute hi mi dawihzep an ni a, huaisen dinhmun an luah phak lo. Chuvangin huaisenna tak tak chu, diknaa din tlat leh thudik tan tlatna hi a ni. Rilru huaisenna hian taksa huaisenna a neih tir a, mi huaisen chuan khawi hmunah pawh, eng dinhmunah pawh ding sela, thudik tannin, hriatna nei chungin huaisen takin a hun a hmang thin.

19. Tawngkaa inhlan chhawn thu leh hlate hi Oral literature tiin an sawi mai thin. Hun hmasa lamah zia kana turin thiamna leh hmanrua pawh a awm hmain, thil tam tak inhlan chhawn thin a ni a, hengte hi literature huangah seng luh loh rual an ni lo. Chutianga inhlan chhawn thu Oral literature tih an ni thin.

Lungleng Lal Khamliana chuan kar khat vel chauh A AW B a zir hnuin an khaw lamah a haw a, zia kana hmanrua dap chwpin, hmunphiah kuang leh meihawl rawt dip hmangin lehkhathawn a zia ka mai a, a lo dawngtu Pu Buangate chuan mak an tie m em mai a, an chhungte hmuh turin sap ram lamah an thawn thla hial a ni. Pu Buanga pa a thih hnuin a nuin zoram lamah chu mizo lehkhathawn hmasa ber chu a rawn thawn let a, hun engemw chen kawh that anih hnuah a awmna chin hriat a ni ta lo a ni.

20. Chhingpuii thawnthua lo lang hmangaihna hi hmangaihna dik, a let leh beisei vang nil ova inhmangaihna anih avangin a chhiar a nuam a, thih thleng pawhin an inphatsan lova, harsatna eng pawh lo thleng se a chuai ve thei lo. Thawnthua a changtupa Kaptluanga hi an khaw tlangval hriseh, chak leh sa kap thei anih lai chuan an in pawh a rak hle a, nula tan pawh pasal atana iaiawm lo a ni. Mahse a lo bawrhawm hnu, ramtui lei lova a awm hnu chuan nula mai pawh ni lovin, tunhmaa amah 'ka u, ka nau' ti tute pawhin an tinsan ta vek si. Amah hnaiha a kianga awm thlahlel an awm ta lo.

Hetihlai hian nula pakhat, tleirawl lai atanga a ngaihawng Chhingpuii chuan a kalsan ve ngai lo. Chu nula chuan Kaptluanga chu a tleirawllai chauhin a hmangaih lova. A sakah theih lai a nawmsak lai pawhin an inkar dinhmun chu a ngai reng a, khaw chhunga thian dangten an ngaihsak tak loh hnu thlengin a ni chuan a ngaihsak a, Kaptluanga rilru natna turin hmuh leh hriat tur engmah awm lo khawpin Kaptluanga tan a invawng a ni. Mi tam takte induhna leh inhmangaihna chu dinhmun duhawm lai leh nawmsak lai chauh hian a langsarina fiah thin a, he thawnthua Kaptluanga leh Chhingpuii inhmangaihna leh induhna erawh hi chu, an dinhmun a khirh hnuah a fiah tawlh tawlh mai a, hei hian hmangaihna dik a ni tih a tilang chiang em em a ni.

.....